



Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

Art. V. Quodnam sit objectum formale & primarium, tam motivum, quàm
terminativum sententiæ, & prima rejicitur,

[urn:nbn:de:hbz:466:1-77232](#)

& rationem essentiae & naturae, quod tamen à Thomistis communiter non admittitur. Sequela Majoris probatur: quia similiter illa non dicuntur de Deo & creaturis aequivoce, sed analogice, & in creaturis ratio essentiae, non est ratio existentiae; sicut nec ratio essentiae, ratio naturae: haec enim in creaturis realiter, vel saltem virtualiter distinguntur: Ergo si ex eo quod ratio speciei, naturae, & intellectus, de Deo & creaturis non aequivoce, sed analogice dicuntur, & in creaturis ratio speciei, non est ratio naturae, nec intellectus, licet inferre, haec virtualiter in Deo distingui: ex eodem principio sequitur, essentiam & existentiam, ac natu-ram & essentiam, in Deo etiam virtualiter differre.

89. Respondeo ergo secundò, quod quando D. Thomas dicit quod in creaturis ratio sapientiae, non est ratio bonitatis, per ly *ratio sapientiae, & ratio bonitatis*, intelligi debet propria ratio formalis illarum perfectionum; intendit enim S. Doctor, quod quia bonitas & sapientia in rebus creatis, ex propria ratione formalis distinguntur, & non ex sola limitatione & potentialitate crea-tura: eo quod pertineant ad diversas lineas, & diversa objecta formalia respiciant (ut antea ex-po-suimus) ratione ratiocinata, seu virtualiter in Deo distinguntur. Unde cùm natura, species, & intellectus, ad eandem lineam pertineant, & non differant in rebus creatis ex propria ratione formalis, sed ex sola limitatione creature, ex hoc D. Thomas testimonio non licet inferre, haec in Deo virtualiter distingui.

90. Objicies tertio contra eandem conclusionem: Ratio objecti terminativi distinguitur virtualiter à divina natura: Ergo & ratio objecti motivi, in qua consistit species intelligibilis. Consequenter tenet ex paritate rationis, Antecedens probatur. Ratio objecti terminativi divinae intellectus, est ratio veri increati: Sed ratio veri increati distinguitur virtualiter à natura divina: Ergo & ratio objecti terminativi.

Respondeo negando Antecedens, ad cuius probationem, distingo Majorem: Ratio objecti terminativi, est ratio veri increati, ut contracta ad divinam essentiam, concedo: ut habet rationem transcendentis, & ambit naturam, relationes, & attributa divina, nego. Ad Minorem similiter distingo: Sed ratio veri increati, ut ambit tam absoluta quam relativa, distinguitur virtualiter à natura divina, concedo: Ut est contracta ad divinam essentiam, nego. Solu-to constabit ex dicendis articulo sequenti.

91. Objicies quartò contra ultimam conclusio-nem: Omnis perfectio simpliciter simplex, est formaliter in Deo, & non tantum eminenter: Sed ratio habitus est perfectio simpliciter simplex: Ergo reperitur formaliter in Deo. Major est E certa, & constabat ex infra dicendis, Minor vero probatur. Habitus essentialiter consistit in faciliter ad actum: Sed haec est perfectio simpliciter simplex, cum melius sit eam habere, quam ea carere: Ergo ratio habitus est perfectio sim-pliciter simplex.

Respondeo negando Minorem, ad cuius probationem, distingo Majorem: Habitus essentialiter importat in potentia facilitatem ad actum, provenientem ab extrinseco, & ratione aliquius formæ superaddita, & realiter aut virtualiter saltem à potentia distincta, concedo Majorem. Provenientem ab intrinseco, nego

A Majorem & Consequentiam. Facilitas enim ab extrinseco proveniens, non est perfectio simpli-citer simplex, cum presupponat essentialiter in potentia quam perficit, aliquam imperfectio-nem, nempe difficultatem quam vincat, aut im-proportionem quam tollat: ut constat in poten-tia visiva, quæ quia est de se facilis, & propor-tionata ad videndum, nullo eger habitu ad eliciendam visionem. Unde falsum est quod melius sit talem facilitatem habere, quam non habere; perfectio enim est habere ab intrinseco, & sine illo superaddito, facilitatem & proportionem ad actuum, quam ab extrinseco, & per aliquam formam potentiae superadditam, & realiter aut virtualiter ab ea distinctam.

ARTICVLVS V.
Quodnam sit objectum formale & prima-
rium, tam motivum, quam terminati-
vum divini intellectus?

§. I.

Referuntur sententiae, & prima reficitur.

C Ita hanc difficultatem variè opinantur Au-thores, omnes tamen sententiae, claritatis gratiâ, ad duas principales revocari possunt, & secunda rursum in tres alias subdividi.

Prima docet objectum primarium intellectus divini, esse ens ut sic, analogice commune Deo & creaturis. Ita Durandus in i. dist. 35. quest. 1. & Nominales ibidem.

Secunda tenet objectum primarium & specifi-cativum intellectus divini, non esse ens in com-muni, abstrahens à creto & increato, sed ens in creatum. Ita communiter docent Theologi cum Sancto Doctore i. contra Gentes cap. 48. Quia tamen in Deo plures sunt formalites, ne-pe natura, ut radix attributorum & relationum; attributa, relations, & ens divinum & increatum, transcendens omnia quæ sunt in Deo: licet præfati Authores convenienter in assignando pro-objecto primario intellectus divini, ens & ve-rum in creatum; in constitendo tamen, sub qua formalitate, rationem primarij objecti sortiantur, in tres dividunt sententias. Quidam enim rationem entis increati, ut ambientem naturam, attributa, & relations divinas, docent esse ob-jectum formale tam motivum, quam terminati-vum divinae intellectus. Ita ex nostris docet Gonçalez infra quest. 14. & ex extraneis Molina, & Ruiz. Alij distinguunt inter objectum formale motivum & terminativum, & docent objectum formale motivum divini intellectus, esse solam Dei essentiam, ut ab attributis, & relationibus virtualiter distinctam: objectum vero formale terminativum, esse naturam, attributa, & relations; vel ens divinum, ut commune per logicam transcendentiam, omnibus prædicatis divinis. Que sententia à quibusdam tribuitur Nazario, sed immerito: ille enim i. parte quest. 14. art. 5. controv. 2. notab. 6. exp̄s̄ docet, quod essentia divina est divini intellectus ob-jectum adæquatè motivum, & primarij termi-nativum, & ratio cognoscendi omnia, ut ibi-dem videri potest.

Alij demum (& haec sententia communior est in Schola Thomistarum, eamque ex extraneis am-plectuntur Suarez, Vazquez, & Granado) docent

naturam divinam, ut ab attributis & relationibus virtualiter distinctam, esse objectum formale & primarium, tam motivum quam terminativum divini intellectus. Unde

93. Dico primò: objectum primarium intellectus divini, esse ens increatum, non verò ens ut sic, ut analogicè commune Deo & creaturis. Ita D. Thomas loco citato, ubi varijs rationibus hanc veritatem demonstrat.

Prima & fundamentalis potest sic proponi. Illud est objectum primarium, & specificativum intellectus divini, quod est per se primò ab illo intellectum: Sed nihil creatum potest esse per se primò à Deo intellectum: Ergo ens creatum, ad objectum primarium, & specificativum divini intellectus, pertinere non potest, sed solum ens increatum & divinum. Major constat, Minor verò probatur. Ut objectus aliquod, per se primò ab intellectu attingatur, debet per se primò repräsentari per speciem: Sed in intellectu divino, nulla datur species quaens creatum per se primò repräsentet: Ergo nihil creatum potest esse per se primò à Deo intellectum. Major constat, nam ex intellectu & specie fit adæquatum intellectus principium, nec intellectus aliter quam specie objecti fecundatus, potens est proximè exire in intellectu: Sed species non potest per se primò intellectum fecundare, nisi in objectum per se primò ab illa representatum, cum mediâ representatione fecundare: Ergo intellectus non potest per se primò aliquid intelligere, nisi à specie per se primò repräsentetur. Minor verò probatur: in Deo nulla potest dari species creata, sed ipsa diuina essentia habet rationem speciei, fecundantis divinum intellectum ad cognoscenda objecta: Atqui divina essentia non potest per se primo repräsentare creaturas: Ergo in Deo nulla potest dari species, quaens creatum per se primò repräsentet. Major constat, Minor verò, cui soli potest inesse difficultas, probatur primò. Essentia Angeli, ut species, solum se ipsam per se primò repräsentat, alia autem à se, prout in ipsa continetur: Ergo pariter essentia divina, ut species, solum se ipsam potest primariò repräsentare.

Secundò, repräsentatio speciei, vel est ratione similitudinis, vel ratione identitatis cum objecto: Sed divina essentia, nulli rei creatae potest esse perfectè similis, nec cum illa identificari, ut constat: Ergo essentia divina, nullam rem creatam potest primariò repräsentare.

Tertiò, objectum per se primò per speciem repräsentantem, debet convenire cum illa. Saltem in eodem gradu immaterialitatis, ut docet D. Thomas infra quæst. 12. art. 2. inferens ex hoc principio, nullam speciem creatam posse repräsentare quidditatè Deum: Sed nihil creatum potest cum divina essentia convenire in eodem gradu immaterialitatis, ut manifestum est: Ergo nihil creatum potest per se primò repräsentari per ilam, ut speciem.

Quartò, species est virtus objecti primariò per ipsam repräsentati, & ut illius virtus ad intellectu concurrit, ut docent Philosophi in libris de Anima: Sed divina essentia nequit ad intellectu concurrit, ut virtus aliquis entis creati, ut evidens est: Ergo non potest esse species, per se primò repräsentativa aliquis entis creati.

94. Secunda ratio D. Thomæ, qua est quinta in ordine, sicab illo formatur. Primo & per se in-

A intellectum, est perfectio intelligentis: secundum hoc enim intellectus est perfectus, quod intelligit in actu, quod fit per hoc quod est unum cum primo & per se intellecto: Sed nihil creatum potest esse perfectio intellectus divini: Ergo nihil creatum potest esse primò intellectum ab ipso, & consequenter solus Deus est objectum primarium proprij intellectus.

B Tertia ratio quam ultimo loco ibidem proponit, sic potest formari. Objectum primò, & per se ab aliqua potentia attingibile, dat illi specificationem: Sed nihil à Deo distinctum, potest intellectui divino specificationem tribuere: Ergo nihil distinctum à Deo, potest per se primò ab intellectu divino cognosci, & consequenter sola veritas increata, est primarium objectum adæquatum illius. Minor videatur certa, nam dare specificationem potentie, est in illam exercere veram & propriam causalitatem: nihil autem creatum, potest esse causa vera & propria aliqui perfectionis divinæ; alias aliqua divina perfectio, verè & propriè à creaturis dependeret. Major autem probatur: Tum quia est commune Philosophorum axioma, potentias & habitus ab objectis sumere specificationem, quod intelligendum est de objectis formalibus & primariis: Tum etiam, quia in hoc objectum primarium à secundario differt, quod istud purè terminat C actum potentie, illud autem non terminat purè, & consequenter aliquod aliud munus erga potentiam exercet, quam purè terminare: Sed supra purè terminare, nihil aliud esse potest quam specificare potentiam: Ergo objectum primò, & per se, & ratione sui ab aliqua potentia attractum, dat illi speciem.

D Ultima ratio sumitur ex Tractatu de voluntate Dei: Objectum enim primarium voluntatis divinae, non est bonum in communi, abstrahens à creato & in creato, sed bonum increatum & divinum: Ergo pariter objectum primarium intellectus divini, non est verum in communi, abstrahens à creato & in creato, sed verum divinum &

E incrementum. Consequenter tenet à paritate rationis. Antecedens autem demonstrari solet in Tractatu de voluntate Dei, & potest breviter hic suaderi. Objectum primarium voluntatis est finis, media namque non amantur ratione sui, sed solum ratione finis, & consequenter sunt extra objectum voluntatis primarium: Sed nulla bonitas, praeter increatum & divinam, esse potest finis voluntatis divinae: *Omnia enim propter se met ipsum operatus est Dominus*, ut dicitur Prover. 16. Ergo sola bonitas divina & increata, est objectum primarium voluntatis divinae. Alias rationes exponimus in Tractatu de Scientia Dei, quando ostendemus Deum non cognoscere creature immediatè in seipso, sed solum in seipso, & in essentia sua tanquam in causa.

95.

*Disp. 2.
art. 1.
§ 2.*

§. II.

Solvuntur objectiones.

O Bjicies primo cum Durando: Quod aliqua potentia est perfectior, eo universalius habet objectum: Sed intellectus divinus est potentia perfectissima, & verum ut sic, abstrahens à creato & in creato, est universalius, quam verum increatum: Ergo objectum primarium & specificativum intellectus divini, non est verum increatum, sed abstrahens à creato & in creato.

I ij

Confirmatur & magis explicatur hæc ratio. Quò potentia est perfectior, ei debet correspondere perfectius objectum: Sed objectum quò est universalius, eo est perfectius: Ergo potentia perfectissima, qualis est intellectus divinus, assignari debet objectum universalissimum, quale est ens abstrahens à creato & in creato. Major constat, Minor probatur. Quò objectum est abstractius, eo est perfectius: Sed quò universalius est, eo abstractius est: Ergo quò est universalius, eo est perfectius.

97. Ad objectionem distinguo Majorem: Quò aliqua potentia est perfectior, eo universalius habet objectum; universalitate prædicationis, nego: universalitate continentia, & causalitatis, concedo. Ad Minorem similiter distinguo: Verum abstrahens à creato & in creato, est universalius vero in creato; universalitate prædicationis, concedo: universalitate continentia & causalitatis, nego. Nam verum increatum, cum sit prima caula, & prima mensura totius veritatis create & participata rebus, eminenter actualissimè continet omne verum creatum, ad quod secundariò intellectus divinus se extendit. Ex quo patet responsio ad confirmationem, concessa enim Majori, distinguenda est Minor. Quò objectum est universalius, continentia & causalitate, eo est perfectius, concedo Minorem. Quò est universalius prædicatione, nego Minorem. Ad cujus probationem, distinguo Majorem: Quò objectum est abstractius abstractione formalis, eo est perfectius, concedo: Quò est abstractius abstractione potentiali, nego: quā distinctione applicatā Minori, debet negari Consequentiam.

98. Objicies secundò: Objectum adæquatum aliquius potentia, debet sub se continere omnia quæ possunt ab illa attingi: Sed verum increatum non continet sub se omnia, quæ possunt ab intellectu divino cognosci: Ergo non est objectum adæquatum intellectus divini, sed ens abstrahens à creato & in creato. Minor patet, nam intellectus divinus non solum cognoscit Deum, sed etiam creaturem, secundum proprias rationes: Atqui creature non continentur sub ente in creato, bene tamen sub ente ut sic abstrahente à creato & in creato: Ergo ens increatum non continet omnia quæ attingit intellectus divinus. Major autem probatur: Objectum adæquatum non potest excedi à potentia, alias adæquatum cum illa non erit: Sed si non contineat omnia quæ potentia valet attingere, exceditur à potentia: Ergo debet illa omnia continere.

Respondeo distinguendo Majorem: Objectum adæquatum extensivum, concedo: objectum adæquatum specificativum, subdividuo Majorem: debet sub se continere &c, continentia formalis autem ementalis, transeat: continentia determinata formalis, nego Majorem. Et sub eadem distinctione Minoris, distinguo Consequens: non est objectum adæquatum, extensivum, concedo: adæquatum, specificativum, nego.

99. Explicatur: In qualibet potentia vel habitu, duplex solet distinguui objectum: unum quod dicitur adæquatum specificativum, à quo potentia vel habitus, suam specificationem desumit; & aliud quod appellatur adæquatum extensivum, ad quod potentia vel habitus potest se extendere primariò, vel secundariò, nec potest extra ejus limites ferti. Quia ergo, licet intellectus divinus Deum & creature cognoscat, speciem tamen à

A creaturis non accipit, nec per se primò illas attingit, sed tantum secundariò, & quatenus continentur in essentia divina tanquam in causa, ut ostendemus in Tractatu de scientia Dei, objectum adæquatum specificativum intellectus divini, est sola increata veritas; quamvis objectum adæquatum extensivum, sit verum ut sic, prout abstrahit à creato & in creato. Quod magis explicari & illustrari potest in objecto intellectus nostri: ut enim docetur in Metaphysica, noster intellectus non specificatur ab ente communienti reali & rationis; & tamen secundariò ens rationis cognoscit, propter habitudinem quam importat ad ens reale, & dependentiam ab illo. Si

B militer Metaphysica adæquatè specificatur ab ente reali, & tamen secundariò ens rationis considerat, & de illo passiones demonstrat: quia ens rationis ab ente reali depender, & ad illius instar configitur. Sicut ergo ens rationis formaliter continetur sub objecto extensivo intellectus nostri, & tamen non pertinet ad objectum specificativum illius: ita creatura formaliter continetur sub objecto extensivo intellectus divini, non tamen sub objecto primario & specificativo illius. Et sicut salvatur in ente reali esse objectum specificativum adæquatum intellectus creati, quamvis ens rationis cognoscit; quia illud cognoscit per ordinem ad ens reale, & per speciem illius: ita in veritate increata salvatur esse objectum adæquatum specificativum intellectus divini: quia creature solùm secundariò cognoscit, & illas considerat in veritate increata, & per speciem illius.

C Objicies tertio: Ens commune Deo & creaturis cognoscitur ab intellectu divino, primario & ratione sui: Ergo est objectum illius primarium. Consequientia patet, Antecedens probatur. Deus cognoscit omne verum, omni modo quo est cognoscibile: Sed ens ut commune Deo & creaturis, est cognoscibile primario, & ratione sui; & sic de facto cognoscitur ab intellectu creato: Ergo ens commune Deo & creaturis cognoscitur ab intellectu divino, primario & ratione sui.

D Respondeo negando Antecedens, ad cujus probationem distinguo Majorem: omni modo quod est cognoscibile absolute, & à quovis intellectu, nego Majorem: omni modo quod est cognoscibile ab intellectu divino, concedo Majorem, & sub eadem distinctione Minoris, nego Consequentiam. Nam licet ens ut sic possit cognosci primario & ratione sui ab intellectu creato, non tamen à divino, quia in tali cognitione multiplex imperfeccio importatur: est enim confusa & potentialis, non exprimens, sed tantum implicitè importans differentias contractivas; est etiam dependens in sua specificatione ab aliquo prædicato quod non exprimit infinitam perfectionem, & quod est negativè creatum, hoc est non dicens perfectionem increatum; & insuper ex tali cognitione arguitur possibilis dependentia ab ente positivè creato in specificatione cognitionis divinæ; cum ens creatum sub ente ut sic continetur, & potentia attingens per se primò aliquam rationem communem, possit primariò circa illius inferiora versari.

E Dices: Ens ut sic, & prout abstrahit à creato & in creato, non potest cognosci ab intellectu divino secundariò, & tanquam objectum materiale, eo modo quo creature ab illo cognoscuntur: Ergo debet ab illo attingi primariò, & ratione sui:

DE NATVRA ET QVIDDITATE DEI. 69

& sic erit ejus objectum primarium, & specificatum.

Respondeo ens ut sic posse dupliciter sumi: primò secundum omne quod implicitè includit, secundò pro eo quod explicat: primo modo sumptum, cognoscitur ab intellectu divino, partim primariò, prout nempe includit Deum; & partim secundariò, prout scilicet includit creaturas: secundo autem modo sumptum, non cognoscitur omnino primariò, nec propriè secundariò, sed tanquam prædicatum inclusum in objecto primario, ad eum modum quo partes physica vel metaphysica cognoscuntur in toto.

102. Instabis: Scientia divina attingit primariò ens ut sic, Deo & creaturis commune: Ergo & intellectus divinus. Consequens patet, tum ex paritate rationis, tum quia objectum particularis virtutis, qualis est scientia, non potest esse universalius objecto potentia in qua talis virtus residet. Antecedens verò probatur: Scientia Dei formaliter est Metaphysica, cùm hæc sit perfectio simpliciter simplex, quæ formaliter repertitur in Deo: Sed Metaphysica attingit primariò ens ut sic, Deo & creaturis analogicè commune, cùm illud sit proprium ejus objectum: Ergo & scientia Dei.

Respondeo negando Antecedens, ad cuius probationem, nego Majorem; cùm enim Metaphysica in suo conceptu formalis involvat aliquam imperfectionem, nempe specificationem, & dependentiam ab ente ut sic, quod est potentiæ, & implicitè involvens ens creatum, non est perfectio simpliciter simplex, nec contingit in Deo formaliter, sed tantum eminenter: quantum scilicet scientia divina omnia cognoscit sub altiori & actualiori ratione, nempe entis divini, in quo eminenter continentur.

§. III.

Objectum formale motivum divini intellectus explicatur.

103. **D**ico secundò: Objectum formale motivum divini intellectus, est sola divina essentia, ut distincta virtualiter à relationibus, & attributis.

Probatur conclusio ratione fundamentali: Illud habet rationem objecti motivi intellectus, quod est species, vel gerit vices speciei intelligibilis, & intellectum ad intelligendum movet, & fecundat; concurrens cum illo ad intellectu rationem: Sed sola divina essentia, ut distincta virtualiter à relationibus & attributis, est species quæ intellectus divinus fecundatur ad intellectu rationem; & cum ipso ex parte principij ad intellectu rationem concurrit: Ergo sola divina essentia sic sumpta, est objectum formale motivum intellectus divini. Major constat ex Philosophia, Minor autem, in qua est difficultas, ostenditur primo. Quamvis Angelus comprehensens seipsum, non solum substantiam suam, sed etiam proprietates, & cetera predicata ad ipsum pertinentia cognoscit; sola tamen Angeli substantia, gerit vices speciei ad hæc omnia cognoscenda: Ergo pariter, quamvis Deus seipsum comprehendens, non solum essentiam suam, sed etiam attributa & relationes cognoscit, sola tamen essentia, ut ab illis virtualiter distincta, est species quæ divinus intellectus intelligit.

Secundo probatur eadem Minor: Divina essentia, quia continet eminenter creature, est

Tom. I.

A species quæ Deus illas intelligit, ut supra arguimus: Sed essentia divina, ut distincta virtualiter à ceteris prædicatis, illa perfectissimè continet: Ergo est species ad illorum cognitionem.

Tertiò probatur ex fundamentis articulo præcedenti statutis: Ostendimus enim speciem intelligibilem in Deo non distingui virtualiter ab ejus essentia, intellectu, & intellectione; cùm hæc ad eandem lineam intellectualem pertineant, & idem objectum formale respiciant: At si species intelligibilis non esset sola divina essentia, sed etiam relations & attributa, distinguieretur virtualiter à natura Dei, & ab ejus intellectu, & intellectione, ut constat; cùm attributa & relations in Deo virtualiter distinguantur ab essentia, & ab intellectione constitutiva illius: Ergo sola divina essentia habet in Deo rationem speciei, non verò attributa, vel relations.

Confirmatur, & magis illustratur hæc ratio: Quia intellectus divinus est in sua linea formaliter simpliciter infinitus, non datur in Deo intellectus multiplex virtualiter, sed unus, non solum reali, sed etiam virtuali unitate: At divina essentia, ut species, est infinita simpliciter in ratione & linea speciei: Ergo in hac ratione est una reali & virtuali unitate: Atqui si non sola essentia divina, ut ab aliis virtualiter distincta, sed alia divina formalitates obtinerent rationem speciei, non esset in Deo una species unitate virtuali, sed multiplex virtualiter; quæ enim essentiae, attributis, & relationibus, quatenus distinguuntur, convenient, virtualiter multiplicantur in Deo: Ergo sola Dei essentia, ut virtualiter à relationibus & attributis distincta, est species quæ divinus intellectus intelligit.

Confirmatur amplius: Si relations divinæ, non solum ratione essentia, sed etiam ratione sui, secundum id quod superaddunt essentia, & linea absolute, essent species quæ Deus intelligenter; sequeretur non solum virtualiter, sed etiam realiter multiplicari rationem speciei in Deo: Consequens est falsum: Ergo & Antecedens. Falsitas Consequens est manifesta, non enim minus inconveniens videtur, multiplicari in Deo realiter speciem intelligibilem, quam intellectum, vel intellectu rationem. Sequela verò probatur: quæ convenient relationibus divinis, ratione illius quod addunt supra essentiam & linea absolute, realiter multiplicantur: Ergo si illis convenient ratione superadditi ad prædicta absolute, ratio speciei, realiter multiplicatur species in Deo.

Probatur secundò conclusio, & amplius demonstratur divinas relations non posse habere rationem speciei, nec consequenter objecti motivi, respectu divini intellectus. Species est principium quo intelligendi: Sed relations divinæ non sunt principium quo intellectu essentialis: Ergo ratione sui non sunt species, nec gerunt munus speciei. Major constat ex Philosophia, Minor autem probatur. Absolute sunt priora notionalibus in Deo, & consequenter nequeunt ab illis esse ut à principio; nam principium prius est eo quod est à principio: Sed intellectio essentialis in Deo est absolute: Ergo relations non possunt esse principium quo illius.

Probatur tertio: Si relations in divinis haberent rationem objecti motivi, & speciei intelligibilis, sequeretur quod una persona, ratione

I iij

suæ subsistentiæ relativæ, per quam constituitur, & ab alia distinguitur, posset habere aliquem concursum effectivum, & aliquam operationem ad extra, qua non esset communis alijs, sed ei propria & peculiaris; quod est contra communem sententiam Theologorum, qui docent opera Dei ad extra esse indivisa, & toti Trinitati communia. Sequela Majoris probatur; si enim paternitas v. g. ut virtualiter distincta ab essentiâ, & realiter à filiatione, & spiratione passiva, haberet rationem speciei, & objecti motivi in intellectione divina, posset etiam gerere vices speciei in intellectione creata, v. g. in visione beatifica: Sed hoc supposito, Pater haberet aliquam operationem, & concursum effectivum ad extra, qui esset illi proprius, & qui non conveniret Filio & Spiritui Sancto: Ergo &c. Major constat, idcirco enim divina essentia supplet, vel saltem supplere potest vices speciei impressæ in visione beatifica, quia habet rationem speciei in intellectione divina, cuius visio beatifica est quedam participatio: Ergo similiter si paternitas, ut virtualiter distincta ab essentiâ, habeat rationem objecti motivi, & speciei intelligibilis respectu divinae intellectonis, idem poterit praestare in intellectione creata, & gerere vices speciei in visione beatifica. Minor autem, in qua est difficultas, sic ostenditur. De ratione speciei intelligibilis est concurrere effectivæ ad intellectiōnem, iuxta communem sententiam: sicut enim ex concursu maris & foeminae gignitur proles, ita ex objecto & potentia paritur notitia, ut dicit Augustinus: Ergo si paternitas, ut distincta virtualiter ab essentiâ, & realiter à filiatione & spiratione, possit in visione beatifica gerere vices speciei intelligibilis, Pater in divinis poterit habere aliquem concursum effectivum, & aliquam operationem ad extra, qua toti Trinitati non erit communis, sed ei peculiaris & propria.

108. Probatur quartò conclusio: Illud est objectum formale motivum divinae intellectiōnis, in quo Verbum Divinum per se primò assimilatur Patri: Atqui non assimilatur per se primò in attributis, & multò minus in relationibus; alias communicaretur Filio paternitas, sicut natura: Ergo objectum motivum divinae intellectiōnis est sola essentia divina, ut distincta virtualiter à relationibus & attributis. Minor patet, Major probatur. Secunda persona procedit ut Filius, & ut Verbum, seu species expressa: Sed Verbum, aut species expressa, per se primò assimilari debet objecto formalis motivo, & speciei impressæ; & actualissimè exprimere ac representare qua ab ipsa specie intelligibili per se primò representantur: Ergo illud est objectum formale motivum divinae intellectiōnis, in quo Verbum Divinum per se primò assimilatur Patri.

Denique probatur conclusio: Objectum motivum intellectus divini, vel sunt omnia attributa, vel nullum, cum de omnibus eadem militet ratio: Sed est aliquod attributum, cui repugnat esse objectum formale motivum intellectus divini: Ergo id omni attributo repugnat, & consequenter sola divina essentia, ut distincta virtualiter ab attributis, est objectum formale motivum intellectus divini. Major constat, Minor probatur. Cui repugnat ad intellectiōnem actualiē mouere, repugnat esse objectum motivum intellectus: Sed volitioni divinae repugnat ad intellectiōnem mouere, cum volitio sit intel-

A lectione, saltem naturā, posterior, illamquen-cessariò supponat, vel ut causam effectivam, vel saltem ut regulam à qua dirigatur: Ergo volitioni divinae repugnat esse objectum motivum intellectus divini.

Dices: Spiritus Sanctus procedit à Filio in genere principij productivi, & quasi effectivi; & tamen Filius procedit ex cognitione non solius Patris, sed etiam Spiritus Sancti (ut frequenter docent Theologi) & consequenter à Spiritu Sancto, ut objecto cognito procedit: Ergo quavis cognitionis principium regulans, imò efficiens volitionem, ut aliqui existimant, poterit à volitione, ut ab objecto causari, & objecti-ve moveri.

B Respondeo Spiritum Sanctum non esse objectum motivum cognitionis ex qua Verbum procedit, sed tantum terminativum: objectum autem purè terminativum, non concurrit effectivè ad volitionem, nec ad terminum illius: quare ex eo quod Verbum Divinum, ex cognitione Spiritus Sancti procedat, non sequitur Spiritum Sanctum esse principium illius. Ceterum objectum motivum efficiens ad cognitionem concurrit: cum ergo stare non possit, quod cognitionis regulans volitionem, à volitione regulata efficiatur, divina volitio non potest habere rationem objecti motivi, respectu intellectiōnis divinae; quavis Spiritus Sanctus sit objectum terminativum illius cognitionis, ex qua Verbum procedit.

§. I V.

Precipue obiectiones solvuntur.

C O Bjicies primò: Essentia divina habet rationem speciei, & objecti motivi divinae intellectiōnis, prout est in se; quod enim sit objectum motivum, non convenit ei per nostram considerationem: Sed essentia divina, ut est in se, est attributa & relationes, cum ab illis solim per rationem nostram distinguatur: Ergo essentia divina, ut habet rationem speciei, & objecti motivi divinae intellectiōnis, attributa & relationes includit.

E D Respondeo concessa Majori, distinguendo Minorem: Essentia divina ut est in se, est attributa & relationes, identitate reali formalis, concedo Minorem: virtuali, nego Minorem, & consequentiam. Ut enim essentia divina moveat ad intellectiōnem, & non attributa & relationes, sufficit virtualis distinctio, quavis moveat prout est in se: sicut virtualis distinctio Paternitatis ab essentiâ, sufficit ut hæc communicetur Filio, & non communicetur paternitas; & distinctio virtualis naturæ à personalitate Filii, sufficit ut hæc immediate uniatur humanitati, natura verò mediata; distinctio etiam virtualis inter veritatem & bonitatem divinam, sufficit ut veritas & non bonitas specificet intellectum, & bonitas & non veritas specificet voluntatem, ut constabit ex dicendis disputatione sequenti. Unde sicut ista consequentia non valeret: Intellectus specificatur à veritate ut est in se: Veritas ut est in se, est bonitas: Ergo specificatur à bonitate; quia veritas à bonitate virtualiter distinguitur: ita consequentia contra nos facta non tenet, ob similem distinctionem, qua inter essentiam, attributa, & relationes verfatur.

Dices: Quia divina essentia in se terminatiōnem beatam, & in se est attributa & relatio-

nes, inferunt nostri Thomistæ infra quest. 12. non posse videri essentiam, non visis attributis & relationibus: Ergo pariter ex eo quod moveat intellectum divinum, ut in se est, & ut sic sit attributa & relationes, recte infertur non posse essentiam movere ad intellectu[m]em, nisi etiam attributa & relationes ad eam moveant.

Respondeo negando consequentiam & paritatem: Ratio discriminis est, quia in terminando cognitionem intuitivam, convenienter omnes Dei formalites, secus autem in movendo; & ideo non potest una terminare cognitionem intuitivam, altera non terminante: potest autem una mouere, altera non movente; et si prout in se moveant. Sicut non potest veritas divina videri, latente bonitate: potest autem specificare intellectum, tanquam ratio formalis sub qua, bonitate non specificante: cuius ratio alia esse nequit, nisi quia in terminando convenienter, secus in specificando.

112. Objec[ti]o secundò: Objectum primarium, motivum vel terminativum intellectus divini, debet esse perfectissimum omnium quae excogitari possunt: Sed ens divinum, ambiens naturam divinam, relations, & attributa, est omnium perfectissimum: Ergo est objectum primarium intellectus divini. Major videtur certa, quia intellectio perfectissima assignari debet perfectissimum objectum. Minor etiam pater, quia ens divinum sic sumptum, est omnibus modis infinitum, cum non solum includat perfectiones spestantes ad lineam naturæ, sed etiam illas quae pertinent ad rationes attributales.

Confirmatur: Ens divinum, ut ambiens naturam, relations, & attributa, est actus purissimus, omnemque potentialitatem excludens: Ergo habet actualitatem requisitam ad rationem objecti formalis & primarij, motivi, vel terminativi intellectus divini.

113. Respondeo primò distinguendo Majorem: Debet esse omnium perfectissimum, quod possit habere rationem speciei intelligibilis, & identificari cum intellectu, sine distinctione virtuali, concedo Majorem. Si non possit habere hæc duo, nego Majorem. Ens autem divinum, ut ambit relations & attributa, illas conditiones non habet, quia non identificatur cum intellectu divino, sine distinctione virtuali, nec habet rationem speciei intelligibilis: alioquin relatio Spiritus Sancti esset objectum motivum cognitionis essentialis, ut est in Patre, & sic prius natura deberet esse productus Spiritus Sanctus, quam à Patre cognosceretur.

Secundò responderi potest, & in idem redit, objectum per se primò motivum divini intellectus, debet esse omnium perfectissimum, quod sit ejusdem puritatis & immaterialitatis cum intellectu, concedo Majorem. Si non sit, nego Majorem. Ens autem divinum, ut ambit naturam, relations, & attributa, non est ejusdem puritatis, & immaterialitatis cum intellectu divino, ut constabit ex dicendis §. sequenti.

114. Ad confirmationem dicendum: Quod licet attributa & relationes habeant puritatem & actualitatem infinitam, quatenus apta sunt sibi realiter identificare existentiam incretam, tamen non habent tantam in propria linea attributi, quantam habet essentia in linea naturæ, & quanta requiritur ad rationem speciei & objecti motivi: quandoquidem non identificant sibi suam existentiam, sine distinctione virtuali, sicut facit

A essentia. Addo quod essentia divina non obtinet rationem speciei, & objecti motivi, tam respectu sui, quam attributorum & relationum, ex eo solum quod est actus purissimus, & summè immaterialis, sed quia est actus purus, omnes Dei perfectiones radicaliter continens. Sicut enim licet natura Angeli, & illius proprietates, in eodem gradu immaterialitatis convenienter, sola tamen natura unitur intellectui proprio ut species, quia est radix cateriarum perfectionum: ita quamvis daretur, quod attributa & relationes essent ejusdem immaterialitatis & puritatis ac divina essentia, illa tamen sola esset species, quia divinus intellectus omnia Dei praedicata cognoscit; quia est radix omnium illorum, ac proinde sufficiens ad omnia representanda.

B Objec[ti]o tertio: De ratione objecti formalis,

115.

tanmotivi, quam terminativi, est distinguiri realiter, vel saltem virtualiter, ab intellectione: Sed divina essentia ne virtualiter quidem ab intellectione differt; cum haec sint intra eandem lineam, & cum divina intellectio (ut supra ostendimus) sit natura divine constitutiva: Ergo divina essentia non potest esse objectum motivum vel terminativum divinae intellectu[m]is. Minor constat ex supra dictis, Major vero probatur. Objectum motivum se habet in principium realiter, vel saltem virtualiter influens in intellectu[m]em, mediante specie intelligibili, quam intellectus compleat & fecundat; item objectum formale terminativum, specificat ipsam cognitionem: Sed specificatio, & realis, aut virtualis influxus in cognitionem, sine reali, vel saltem virtuali distinctione, salvavi nequeunt: Ergo de ratione objecti motivi est distinguiri, virtualiter saltem, ab intellectione.

C Respondeo negando Majorem: Cum enim intellectus intelligendo fiat res intellecta, ut docent Philosophi in libris de Anima, formalis ratio objecti non petit essentialiter distinctionem realem, aut virtualem ab intellectu & intellectione, sed potius unitatem & identitatem: distinctione vero & divisione inter illa, nascitur ex imperfectione & limitatione creature, ut docet D. Thomas infra quest. 14. art. 2. Itaque tantum abest quod intellectio, ut est analogie communis Deo & creaturis, in supremo suo analogato (scilicet Deo) postuler ab objecto intellectu[m], realiter aut virtualiter distinguiri, quin potius petit oppositum, ut eruditè docent Salmantenses Tract. 3. de scientia Dei, disp. 3. dubio 2. §. 2. & 4. Ad probationem ejusdem Majoris responderetur ex illorum doctrina, objectum motivum vel terminativum, quod est tale formaliter tantum, debere ab intellectione realiter, aut saltem virtualiter distinguiri; secus tamen illud quod est tale formaliter eminenter: eo quod illud non influit in cognitionem, nec eam terminat, aut specificat formaliter, aut virtualiter, sed tantum aequivalenter. Essentia autem divina, solum habet rationem objecti motivi, vel terminativi divini intellectus, formaliter eminenter: quatenus eadem entitas & formalitas in Deo praestat diversa munia, quia in rebus creatis per diversas entitates aut formalitates exercentur. Hac responsio illustrari potest exemplo existentiae, quia licet in rebus creatis, realiter, aut saltem virtualiter, ab essentia distinguatur: eo quod habeat rationem termini respectu illius, illa tamen secundum communiorum Thomistarum sententiam, ne virtualiter quidem differt

In Deo ab ejus essentia, quia non habet respectu illius rationem termini formaliter, sed formaliter eminenter.

§. V.

Resolvitur alia difficultas, & explicatur objectum formale terminativum intellectus divini.

117.

Dico tertio: Objectum formale terminativum intellectus divini, non esse ens divinum ut sic, ut complectitur relations & attributa, sed essentiam divinam, ut à relationibus & attributis virtualiter distingam.

Probatur primò conclusio ex principiis supra statutis: Ut enim supra ostendimus, intellectus & objectum ejus primarium, debent convenire in gradu immaterialitatis: Sed sola divina essentia, cum divino intellectu in gradu immaterialitatis convenient: Ergo illa sola est objectum formale primarium intellectus divini. Minor probatur: Intellectus & intellectio divina, cùm constituent metaphysicè naturam Dei, sunt re & ratione indistincta à sua existentia, & ultima actualitate; attributa autem, & relations, in Deo virtualiter distinguntur ab existentia, cùm existant per existentiam ipsius essentiae, ut certum est de attributis, & ostendemus de relationibus in Tractatu de Trinitate: Ergo non sunt in eodem gradu actualitatis cum intellectu divino, nec consequenter in eodem gradu immaterialitatis.

Disp. 3.
art. 6.

118.

Probatur secundò conclusio: Intellectio divina non distinguitur virtualiter à suo objecto primario: At si illud includeret formaliter relations & attributa, divina intellectio virtualiter ab illo distingueretur: Ergo objectum formale terminativum intellectus divini, non includit relations & attributa. Minor constat: relations enim & attributa ab intellectione divina virtualiter distinguntur. Major verò probatur: Intellectio divina (ut supra ostendimus) est divina natura constitutiva, ac proinde nihil supponit prius ratione: Sed hoc est falsum, si virtualiter distingueretur à suo objecto formaliter terminativo; objectum enim ab intellectione virtualiter distinctum, est prius illa, quandoquidem est veluti causa illius: Ergo intellectio divina non distinguitur virtualiter à suo objecto primario.

119.

Probatur tertio conclusio ratione fundamentali. Illud est objectum formale terminativum aliquis potentiae, quod ratione sui ab illa attingitur, & ratione cuius cetera attinguntur ab illa: Sed essentia divina, ratione sui à divino intellectu attingitur, attributa verò & relations, ratione essentiae: Ergo hæc, ut ab illis virtualiter distincta, est objectum formale terminativum intellectus divini. Major constat exemplò colorati, quod est objectum formale terminativum potentiae visivæ; quia per se primò, & ratione sui, ab illa attingitur, cetera verò ratione ipsius. Minor etiam est evidens quantum ad primam partem, quæ afflert quod essentia divina ratione sui attingitur à divino intellectu: probatur verò quantum ad secundam, quæ affirmat attributa & relations ratione essentiae attingi. Quod ratione sui non representatur intellectui divino, sed ratione essentiae, non cognoscitur ratione sui, sed ratione essentiae: Atqui attributa & relations, non ratione sui, sed ratione essentiae representantur intellectui divino: Ergo non ratione sui, sed ratione essentiae cognoscuntur.

A. Major est certa, nam idem ordo servatur inter objecta, in terminando cognitionem, ac in terminando representationem: unde quia ens rationis non representatur per propriam speciem, sed per speciem entis realis, ad cuius similitudinem configitur, non primariò, sed secundariò ab intellectu nostro cognoscitur: nec alia ratio ne creature secundariò cognoscuntur à Deo, nisi quia secundariò representantur per speciem, quæ divinus intellectus intelligit. Minor verò probatur. Species quæ Deus intelligit, est sola divina essentia, ut §. præcedenti ostendimus: Sed divina essentia, ut species intelligibilis, seipsum solum primò representat, alia verò ratione sui, vel quia illa eminenter continet, ut creature; vel quia in illis intimè includitur, ut attributa & relations: Ergo attributa & relations, non ratione sui, sed ratione essentiae, intellectui divino representantur.

B. Confirmatur primò: Quia substantia Angelorum non est species per se primò ordinata ad representantem, primò representat se, proprietas autem, & alias perfectiones, non ratione illarum, sed ratione sui: At divina essentia est species, non ordinata per se primò ad representandam alia, hac enim ordinatio est imperfectionis, soli enti intentionalis conveniens: Ergo primò representat se, attributa verò & relations solum secundariò, & ratione sui.

C. Confirmatur secundò: Quia creature cognitæ à Deo, non uniuertur ratione sui, ut species cum divino intellectu, non representantur ratione sui, sed ratione essentiae: Atqui etiam attributa & relations, non uniuertur ratione sui ut species, sed ratione essentiae divinæ: Ergo non ratione sui, sed ratione essentiae representantur.

D. Probatur ultimò conclusio, & rursus demonstratur, quod essentia divina sit intellectui divino ratio objectiva cognoscendi relations & attributa, & consequenter ejus objectum formale terminativum. In primis enim, quia divina essentia est infinita simpliciter in ratione speciei, non tantum est ratio cognoscendi seipsum per modum speciei, sed etiam creature, & omnia alia quæ cognoscuntur à divino intellectu: Sed etiam in ratione objecti est infinita simpliciter: Ergo non tantum est ratio objectiva cognoscendi seipsum, sed etiam relations & attributa, omneque objectum à divino intellectu cognoscibile.

E. Secundò: Quia ens reale ut sic, ratione sui cognoscitur à nostro intellectu, & alias per transendentiam includitur in omni entitate creatuæ, est illi ratio sufficiens cognoscendi quamlibet entitatem creatam: Sed divina essentia ratione sui cognoscitur à divino intellectu, & alias transcedit omnem perfectionem, & formalitatem divinam: Ergo est ratio objectiva intellectui divino cognoscendi omnem Dei formalitatem.

F. Tertiò: Ideo divina essentia est intellectui divino ratio ex parte objecti cognoscendi creature, quia illas continet eminenter: Sed etiam continet radicaliter attributa, & relations: Ergo est ratio objectiva intellectui divino terminandi illorum cognitionem. Minor est evidens: Major verò patet ex dicendis in tractatu de scientia Dei disputatione secunda, articulo primo & secundo, ubi varijs rationibus, & SS. Patrum authoritatibus ostendemus, Deum non cognoscere creature immediatè in seipsis sed solum in seipso, & in essentia sua tanquam in causa.

§. VI.

Obijecies primo : Objectum formale terminatum potentiae , debet esse commune omni objecto materiali à tali potentia inspecto: Sed essentia divina, ut virtualiter à relationibus & attributis distincta, non est communis omni objecto materiali, à divino intellectu inspecto, bene tamen ens divinum ut sic : Ergo istud, & non illa, est objectum formale terminativum intellectus divini. Minor probatur, nam attributa & relations sunt objecta veluti materialia divini intellectus : Sed de illis non predicatur essentia, quatenus ab illis virtualiter distincta, bene tamen ens divinum : Ergo &c.

E22. Confirmatur : Illud est objectum formale terminativum alicujus potentiae , cum quo convertitur ratio formalis sub qua specificativa illius: Sed ratio formalis sub qua intellectus divini, non convertitur cum essentia , ut distincta ab attributis , sed cum ente divino transcendentis: Ergo istud est objectum formale terminativum intellectus divini. Minor probatur : nam ratio sub qua intellectus divini, est veritas divina; hæc autem ad ens divinum consequitur, sicut veritas creata sequitur ad ens creatum : Ergo ratio formalis sub qua intellectus divini, non convertitur cum essentia ut distincta ab attributis , sed cum ente divino transcendentis.

E23. Respondeo distinguendo Majorem : Debet esse commune communitate rationis , nego : Communitate reali , aut virtuali , concedo. Similiter distinguo Minorem : Essentia divina , ut ab attributis & relationibus virtualiter distincta, non est communis omni objecto materiali divini intellectus ; communitate rationis , concedo : communitate reali, aut virtuali , nego.

Explicatur: Cūm intellectus divinus sit in summo actualitatis & perfectionis intra lineam intellectus , oportet ei assignare perfectissimam objecti communitatem : communitas autem realis, quā gaudet divina essentia respectu perfectionum divinarum , & virtualis quam habet ordinem ad creaturas , perfectior est communitate rationis , qua convenit enti divino : nam commune per rationem , aliqualiter ut ens in potentia comparatur ad inferiora , & ut divisibile in illa ; & ideo commune per rationem , est proportionatum objectum intellectus creati , non autem intellectus divini. Hanc subtilem & acutam doctrinam tradit & exponit Ferrariensis 1. contra Gent. cap. 14. ad finem, ex qua pater responsio ad confirmationem : concepsa enim Majori, neganda est Minor : nam ratio formalis sub qua objectiva intellectus divini , non est veritas communis, communitate rationis omni formalitati divinae, sed veritas illis communis , reali & virtuali communitate, ob rationem iam assignatam : hæc autem non cum ente divino ut sic , sed cum divina essentia convertitur.

E24. Obijecies secundò : Divina attributa pertinent ad objectum formale specificativum , & terminativum divina scientie : Ergo & divini intellectus. Consequens pater , tum ex paritate rationis, tum quia repugnat, quod ratio formalis alicujus habitus, magis se extendat quam ratio formalis potentiae. Antecedens vero probatur: cum enim scientia in Deo virtualiter distinguitur à lumine primorum principiorum , habet objectum

Tom. I.

A formale virtualiter ab illa diversum : unde cūm lumen primorum principiorum divinam essentiam tanquam objectum formale respiciat, scientia debet circa divina attributa, tanquam circa objectum formale versari.

Respondeo negando Antecedens, ad cuius probationem dicendum est, objectum formale specificativum & terminativum divinæ scientie , esse essentiam divinam, ut habet rationem cause respectu creaturarum , & rationis à priori respectu attributorum : eadem vero essentia , ut immaterialē in se cognoscibilis, seu ut habet rationem primi veri, primique intelligibilis, specificat lumen primorum principiorum , ut in Tractatu de scientia Dei latius exponemus.

Disp. 4.
art. 2.
§. 2.
125.

B Objecies tertio : Objectum formale terminativum intellectus divini est aliquid supernaturale: Sed Deus ut unus non est supernaturalis, cūm ratione naturali cognoscatur à nobis, bene tamen ut trinus ; quā ratione naturalem nostram cognitionem excedit: Ergo Deus, ut trinus, est objectum formale terminativum intellectus divini, & consequenter relations ab ejus objecto terminativo excludenda non sunt.

Respondeo negando Minorem: Deus enim non solum ut trinus, sed etiam ut unus, supernaturalis est entitativè , in omnium Theologorum sententia. Nec obstat à nobis ratione naturali cognosci quoad an est , mediata , & abstractivè : nam hoc solum convincit , Deum ut unum non esse supernaturale in ratione cognoscibilis abstractivè , & quoad an est ; quod libenter fatemur , non autem quod entitativè supernaturalis non sit : alias non solum à posteriori , & quoad an est , posset Deus ut unus , à nobis viribus natura cognosci , sed etiam quidditatib; imo & posset prout unus, naturaliter intuitivè videri , quod cōmuni Theologorum sententia repugnat. Ratio autem cur ut unus sit supernaturalis entitativè , non autem in ratione cognoscibilis, cognitione mediata & abstractivè : ut Trinus vero utroque modo supernaturalis sit , est quia ut unus cum effectibus natura connectitur, secus vero ut trinus , ut doceat Theologi in Tractatu de Trinitate.

C Objecies ultimò : Attributa & relations non sunt objectum materiale & secundarium divinæ intellectus , sicut creature : Ergo pertinent ad ejus objectum formale & primarium. Consequentia manifesta videtur, ex eo quod inter objectum formale & materiale , primarium & secundarium, nullum aliud mediat, ad quod attributa & relations pertinere possint.

E Respondeo attributa & relations , neque esse objectum primarium , neque propriè secundarium intellectus divini ; sed veluti modos objecti primarij & specificativi , aut objecta materialia , transcendentaliter & intimè in se includentia ipsum objectum formale & primarium : pro cuius intelligentia.

D Notandum est ex Ferrariensi 1. cont. Gentes cap. 48. objectum alicujus potentiae tripliciter posse ad illam comparari. Primo ut sit ratio qua specificativa illius , & per se primò ab illa inspecta : sicut sonus est objectum per se primū & specificativum auditū : color & lucidū visus. Secundò potest comparari ad illam, ut aliquid mere materiale , quod percipiat beneficio alterius extrinseci & distincti habentis aliquam connectionem cum ipso : sic creature sunt objecta secundaria & materialia qua cognoscuntur in essentia divina ; sic ens rationis est objectum ma-

K

teriale intellectus creari, & proximus virtutis charitatis. Tertio potest dari aliquid objectum, quod non sit ita primarium, sicut per se specificatum, nec ita secundarium, sicut mere materiae, sed medio modo se habens inter haec: ita ut non quidem per se primo inspicatur, sicut specificatum, sed ratione alterius, quod tamen non sit distinctum & extrinsecum, sed intrinsecum in eo imbibitum & inclusum. Sic sonus ut acutus, non percipitur per se primo ab auditu, sed quodammodo secundario, ut est aliquid identificatum cum sono, qui est ratio per se inspecta ab auditu. Et hoc medio modo se habent relationes & attributa respectu intellectus divinae: sunt enim intelligibilia per essentiam, ut in ipsis intimè & transcendentaliter imbibit: quare licet illa non pertineat ad objectum formale & primarium divinae intellectus, sunt tamen quidam veluti modi intrinseci objecti formalis & primarij, qui necessarij debent attingi ab ipsa, ut est comprehensiva & intuitiva.

DISPUTATIO III. DE ATTRIBVTIS DIVINIS in communi.

CONSIDERATA natura & quidditate Dei, consequens est ut ejus proprietates & affectiones, que, *Attributa divina*, à Theologis appellantur, contempnemur; & prius de illis in communi, postea in particulari disseramus.

ARTICVLVS I.

Quid & quotplex sit attributum divinum?

Dico primò: *Attributum recte definitur, ratio seu forma quedam absoluta, in specie atoma constituta, formaliter & necessario in Deo existens, que ex modo nostro concipiendi, ad essentiam divinam, per modum veluti passionis, & proprietatis ejus, consequitur. Ita communiter docent Theologi, ex Damasceno libro 1. de Fide, cap. 12.*

Explicatur haec definitio. Primò dicitur, quod attributum debet esse forma quedam absoluta, ut per hoc distinguiatur à relationibus divinis, quae rationem attributi non habent, cùm non sint tribus personis communes, sicut debet esse attributum, quod est quedam essentia divina propria. Secundò dicitur, quod debet esse in specie atoma constitutum, ut per hoc distinguiatur à relationibus inadæquatis attributorum, quae propriè attributum non sunt. Additur quod debet in Deo formaliter existere, ut per hoc differat, tum à perfectionibus secundum quid creaturarum, que non sunt formaliter, sed tantum eminenter in Deo; tum à quibusdam denominatio-nibus intrinsecis, quibus Deus extrinsecè denominatur creator, gubernator, prouisor, &c. Dicitur etiam, illud esse necessario in Deo existens, ut per hoc ab actibus liberis distinguiatur. Tandem additur, quod debet ad essentiam divinam, per modum proprietatis consequi, quia divina attributa ad constitutivum naturæ & quidditatis divinae non pertinent, ut constat ex precedenti disputatione, sed eam veluti modificant, & ad aliam lineam trahunt, & tanquam proprietates

A ad eam virtualiter consequuntur. Dico secundo: *Divina attributa esse virtualiter & eminenter plura.*

Probatur primò: Nam Sapientia 7. Spiritus Divinae Sapientiae dicitur *Vnus & multiplex*: unicus propter summam ejus simplicitatem, multiplex vero ob virtualem distinctionem, & pluralitatem eorum que in eo sunt, ut exponit D. Augustinus Epist. 102. Legitur (inquit) *Spiritus Sapientie multiplex, sed recte dicitur etiam simplex: multiplex enim, quoniam multa sunt que habet, simplex autem quoniam non aliud quam quod habet, est.* Hac est etiam ratio cur Hebrei attributa divina vocant *nomen Sephiroth*, teste Rabbi Moyse in commentarijs suis ad cap. 1. libri Jetira: *Abraham (inquit) Pater noster vocavit attributa Sephirot, quasi Saphiro, ad significandum, quemadmodum saphirus omnes colores recipit: sic Deo omnes formas, benedictiones, emanationesque tribui: ita tamen ut hac omnia summa Dei beneficij unitatem praedicent.*

Probatur secundo: Quamvis attributa divina non sint actu plures res, nec plures rationes formales; sed una omnino simplex (ut ostendemus articulo sequenti) haec tamē præstat totum quod præstarent plures, si esset actu distinctæ; ad eum modum quo virtus Solis, quamvis non sit formaliter calor, præstat omnia qua præstaret calor ipse, seclusis imperfectionibus: Ergo sicut virtus Solis eminenter calor, vel calorem habere dicuntur; ita divina attributa, virtualiter & eminenter plura, & distinctæ dicuntur.

Confirmatur: *Pluralitas & multiplicitas sequitur ad distinctionem: Ergo sicut ad distinctionem realem perfectionum que sunt in rebus creatis, sequitur realis earum pluralitas; ita & ad virtualem distinctionem divinorum attributorum sequitur virtualis illorum multiplicitas. Hoc præmisso, breviter hinc exponenda sunt varia divinorum attributorum partitiones, à Theologis assignari solita.*

Attributa igitur quedam sunt positiva, ut esse bonum, iustum, sapientem. Quædam negativa, ut esse incorporeum, infinitum, immutabilem, invisibilem, incomprehensibilem, ineffabilem, &c. Item aliquæ sunt absolute, que nullum important respectum ad creaturas, ut esse simplicem, unum, perfectum &c. Quædam respectiva, que sine ordine ad creaturas intelligi nequeunt; ut omnipotentia, providentia, iustitia, misericordia &c. Præterea quædam sunt que pertinent ad substantiam & esse Dei: ut simplicitas, perfeccio, bonitas, infinitas, & alia que sequenti disputatione exponemus: quædam vero spectant ad operationem, ut intellectus, voluntas, omnipotentia, scientia, amor, iustitia, & misericordia, de quibus tractatu 3. & 4. differemus.

ARTICVLVS II.

An attributa divina, tam ab essentia Dei quam inter se, formaliter ex natura rei distinguuntur?

§. I.

Proponitur status difficultatis.

Suppono primò tanquam certum de fide, di-
vinæ attributa, nec ab essentia, nec inter se